

ACCESS for ELLs

Kijan pou Konprann Nòt Ptit Ou a

ACCESS for ELLs se yon egzamen pou konpetans nan lang Anglè ki mezire konpetans akademik elèv yo genyen nan lang Anglè.

- Lekòl, distri lekòl yo, ansanm ak eta yo itilize nòt egzamen ACCESS for ELLs yo lè y ap deside ki sèvis sipò yo dwe bay nan lang Anglè.
- Pwofesè yo itilize nòt egzamen yo lè y ap deside kijan pou yo pi byen anseye ptit ou a.
- Ou kapab itilize nòt egzamen yo pou defann ptit ou a.



Rapò Endividiyèl Elèv (Individual Student Report) la montre nòt ptit ou a fè nan egzamen ACCESS for ELLs la nan wuit kategori diferan. Kat nan kategori sa yo se domèn lengwistik ki se Konpreyansyon Oral (Tande), Ekspresyon Oral (Pale), Lekti ak Ekriti. Yo kombine toulekat nòt pou domèn lengwistik sa yo ansanm pou kreye kat kalite nòt amplis:

- Kategori lang oral la se yon kombinezon nòt ptit ou a fè nan domèn Konpreyansyon Oral (Tande) ak Ekspresyon Oral (Pale).
- Kategori alfabetizasyon an se yon kombinezon nòt ptit ou a fè nan domèn Lekti ak Ekriti.
- Kategori konpreyansyon an se yon kombinezon nòt ptit ou a fè nan domèn Konpreyansyon Oral (Tande) ak Lekti. Li plis depann sou nòt pou domèn Lekti a pase nòt pou domèn Konpreyansyon Oral (Tande) la.

ELL

Yon Elèv k ap Aprann Lang Anglè, oswa ELL, se yon elèv ki gen opòtinite pou l resevwa ansèyman nan lang Anglè, anplis de lòt kou l ap swiv yo. Yo administre egzamen pou ELL yo chak ane pou ede pwofesè yo konprann konpetans lengwistik yo genyen yo, men ou gen dwa pou aksepte oswa refize sipò lengwistik la.

Domèn Lengwistik

Elèv yo itilize konpetans yo genyen nan domèn konpreyansyon oral (tande), ekspresyon oral (pale), lekti ak ekriti pou yo aprann kontni akademik, pataje enfòmasyon ak pou yo diskite ide. Konpetans sa yo se yon seri konpetans ke tout elèv travay sou yo pandan tout pakou edikatif yo. Evalyasyon lengwistik mezire konpetans yon elèv genyen nan toulekat domèn sa yo.

- Kategori global la se yon kombinezon de toulekat nòt nan domèn lengwistik yo. Li plis depann sou nòt pou domèn Lekti ak Ekriti a pase nòt pou domèn Konpreyansyon Oral (Tande) ak Ekspresyon Oral (Pale) la.

Pou chak gress nan wuit kategori ki nan Rapò Endividiyèl Elèv la, gen de (2) nòt:

- Nòt sou nivo Konpetans yo plase konpetans aktyèl ptit ou a nan sis Nivo Konpetans nan Lang Anglè WIDA yo. (Nivo konpetans yo pa gen rapò ak nivo klas elèv la.) Anba paj Rapò Endividiyèl Elèv la, w ap jwenn deskripsyon sou konpetans lengwistik ki tipik pou nivo konpetans ptit ou a.
- Nòt alechèl yo se mezi presi yo ye sou pèfòmans ptit ou nan egzamen an. Yo pran an konsiderasyon nivo klas ptit ou ansanm ak difikilte kesyon yo te poze nan egzamen ke ptit ou a te fè a. Pwofesè yo itilize nòt sa yo pou yo konprann ki nivo pwogrè ptit ou afè nan konpetans nan Lang Anglè a depi dènye fwa ptit ou a te pran egzamen ACCESS for ELLs yo.



Konpetans Lengwistik

Yon konpetans lengwistik se yon evalyasyon ki montre nan ki nivo elèv yo ye nan pwoesis kontini pou yo devlope konpetans lengwistik yo. Lè elèv yo atenn pi wo nivo konpetans lengwistik yo, yo pa bezwen sèvis sipò lengwistik yo ankò.

Kesyon w ka poze

- Kisa nòt sa a vle di? Ki moun ki pral wè nòt sa a epi kijan yo pral itilize l?
- Kijan nòt ane sa a konpare ak nòt presedan yo? Èske ptit mwen an ap fè pwogrè nan devlope konpetans nan lang Anglè? Ki lòt enfòmasyon ou itilize pou mezire pwogrè?
- Èske nòt sa a pral chanje ansèyman an oswa sipò ke ptit mwen an resevwa? Kijan w ap detèmine ki lè ptit mwen an dwe sispann resevwa sipò lengwistik la?

Distri lekòl yo itilize nòt **ACCESS for ELLs yo** pou evalye pwogram ki bay sipò lengwistik yo, pou kontwole pwogrè elèv la, epi kòm yon faktè nan desizyon y ap pran pou retire yon elèv nan sèvis sipò lengwistik yo. Egzamen ACCESS for ELLs pèmèt lekòl yo satisfè egzijans responsablite onivo federal ak onivo eta yo.